

小學稽業



小學稽業

李 堪 纂

編主五雲王

編初成集書叢

業 稽 學 小

中華民國二十六年六月初版

纂 者

李

璫

發行人

王

雲

五

印刷所

商

務

印

書 館

發行所

商

務

印

書

館

上海及各埠

上海河南南路

上海河南南路

小學稽業序

予以子姪及齒將入小學而古傳既湮謀授朱晦菴所輯閱之殊郭廓天道性命上達也親迎觀朝年及壯強者也以至居相告老諸撫皆非童幼事且何分於大學焉或曰小學使之先知其理耳奚必事之爲予懷起立曰子漫語乎抑將以誤學術也論語曰小子當灑掃應對進退大戴禮曰八歲入小學學小藝履小節未嘗言僅明理也且晦菴曰小學學其事大學究其理子又曰小學以明理吾見窮經考理者接踵而幼而幼儀小舞長而禮樂兵農以履事者寥寥也毋乃階之爲厲小學則然思內則八年暨十五前教有成法晦菴亦曾採入小學固可信者乃遍尋昔人流傳儀節實之復纂四字語於首俾幼童誦之卽學習之行之知行並進庶養蒙而已端乎樂舞郵致河右先生論定王子崑繩子未二兄則訂全帙乃進質顏習齋先生竝演幼儀歌舞倩坐觀先生莞爾曰子前於大學辨業矣茲小學則稽古人成法盍名稽業因以名

康熙四十四年夏四月丁丑蠡吾李塏書於鄆城署寓

小學稽業目錄

卷一

小學四字韻語

卷二

食食

六年教數

七年別男女

九年教數日

卷三

學書

卷四

學計

卷五

小學稽業 目錄

能言

方名

八年入小學教讓

十年學幼儀

小學稽業 目錄

十有三年學樂

舞勺

誦詩

小學稽業卷一

清 蠡縣李 璫纂

古者養蒙。靡有不教。當其能食。右手已詔。能言男唯。進而六年。東西南北。以中爲權。衍數一始。二五爲十。爲百爲千。積累萬億。七年食席。與女各著。時及八歲。則入小學。小藝小節。習從此始。出入後長。讓以示耻。九年數日。日十二時。積月爲歲。紀以干支。十年宿外。習禮帥初。襦袴不帛。聿學計書。禮謹幼儀。灑掃應對。進退有度。朝夕服佩。何以灑掃。盤水攘肘。播灑無濡。室則握手。執箕當舌。由奧以釐。袂拘而退。毋揚毋徹。自鄉而扱。板排出棄。拚席掃地。伊用各具。應對進退。其儀孔多。幼事父母。夙興云何。盥漱升堂。問何食矣。或進執牀。亦佐視具。祇敬杖衾。命餽乃食。有呼則唯。吐而走亟。舉足莫忘。旣省復定。出告反面。冬溫夏清。及事先生。供盥泛拚。顏恭而執。經業審問。請益復起。師出皆起。後至就席。狹坐則起。賓客有至。駿作無讓。應且遂行。反命惟諒。至於食時。攝衽而饋。貳已乃徹。拚前進酌。古實暮食復禮。執燭謹代。奉師就息。枕席必在。路遭長者。趨拱弗遲。不敢問年。不請所之。進以其令。退以其令。燕見從人。不敢將命。凡侍長者。末餘前席。正容恭聽。而抱是視。古實母隱毋躁。問則起答。毋有雷同。勸說撓難。值或入白。左右屏待。側聽噉應。淫視荒怠。髮髻冠免。寢伏坐箕。勞袒暑褰。遊倨立跛。皆宜力戒。小心翼翼。不叱不睡。燭不見跋。如見

君子欠伸撰杖則且出矣。有請再往。其或侍食。拜饋飲立。手毋援莎。小飯數嚼。無然無然。搏飯放飯。流歎
咤食。固獲揚飯。齧骨反肉。噉羹絮羹。歡醢嘑炙。刺齒不敬。卒食自徹。主與乃已。若有所賜。不敢言辭。古三聲通
用。或從提攜。兩手奉手。惟鄉是視。對則掩口。凡爲弟子。九容豫飭。聲靜色莊。頭直氣肅。立必正方。目端口
止。手恭足重。更坐如尸。固頤正視。平肩正背。足間二寸。勿搖經立。古隊揖微磬共立。磬折肅立。垂佩卑立。
立容欲執。坐以經立。微俯共坐。視尋肅坐。低首卑坐。行以微磬。臂不搖掉。肩不上下。行容有道。趨以微磬。
飄然翼然。肩狀若流。足如射箭。旋以微磬。中規中矩。跪以微磬。手股有紀。古支魚拜以磬折。項衡下首。吉
事上左。否則上右。坐乘立乘。如經立坐。顧不過轂。有禮無惰。稽古稱先。言視勿誑。整衣齊帶。行曰有常。孝
弟無違。私財莫畜。隅坐隨行。意虛志直。古入聲雁行朋友。切磋日滋。行禮於人。稱父拜之。凡事勿專。必稟
家長。勿以尊位。待已私訪。朔望節令。家禮學儀。拜親拜師。先聖先祠。六經廿史。漸次讀閱。同學往來。齒序
行列。勿爲狎戲。勿信老佛。節食窒慾。字紙必拾。維書有六。首曰象形。指實掌虛。永字研精。側如墜石。勒似
勒馬。中柱懸針。弩灣而下。趨存勢生。策仰暗揭。掠勿尾弱。鳥啄刀礪。人言止戈。所以會意。力田帶女。謂之
指事。爾雅說文。漢唐註疏。問奇析義。典文宣布。轉注有正。時是正征。亦有旁轉。韓何蘋萍。假借多端。魚作
馬稱。以獸況人。維豫維能。至於入音。多借三聲。諧聲之法。五均不同。篆變而楷。漢隸可遵。隸二篆八。乃是
八分。計始九九。錯綜減增。積分求合。須用因乘。起手二位。三四迤下。盡皆乘之。迺計身馬。分用九歸。繼身

以除。無除還原。撞歸亦需一歸。無法二歸乃立。二一作五。逢二進十三。一三一。三二六二。逢三進十三。歸

是記。四一二二。四二作五。四三七二。逢四進十。中原韻以十作齊。微平聲可與慶諧。五一倍二。五二倍四。五三倍六。五四倍

八。古實點。通轉。逢五進十五。歸此察。六一下四。六二三二。六三作五。六四六四。六五八二。逢六進十。古實點。通轉。七

一下三七二。下六七三四二。七四五五。中原韻以六作尤。侯平聲可與慶通。七五七一。七六八四。逢七進十七。歸斯備。八一

下二八二。下四八三。下六八四。作五八五六二。八六七四。八七八六。逢八進十九。歸隨下。逢九進十。凡此

歸乘。定位爲急。爰及九章。方田見畝。二四歸除。回斜裨補。粟布貴賤。盤量倉窖。若斤秤法。斤兩相較。差分

物混。先求一差。一差既定。自得各差。少廣開方。商除見面。長闊相差。縱橫俱現。平圓求徑。又須求周。三棱

立方。各有方求。商功工壤。浚深築高。亦有均輸。平費與勞。盈朒互見。如數手指。雜糅正負。方程則暫。方圓

高深。測以勾股。勾三股四。其弦則五。學至十三。益以學樂。五聲二變。先習其略。調分七音。正以律呂。宮及

變宮。遞商角徵。變徵與羽。層激而高。每音七音。清濁環繞。律呂標名。黃鐘大呂。太簇夾鐘。姑洗中呂。蕤賓

林鐘。夷則南呂。無射應鐘。元聲盡只四乙上尺。工凡暨六。卽古五聲。諸器有八。金石絲竹。匏土革木。或起

或收。或倚或節。升歌堂上。笙入堂下。間歌合樂。合語樂罷。樂章爲詩。教之以誦。屬讀曰言。長言曰永。永言

之道。中矩中鉤。上下曲止。累累貫珠。古尤嘆。通用。肆舞小舞。詩篇名句。千戚維武。擊刺坐作文。則羽籥。揖讓翻

翻。綴兆進退。鐸相相宣。已上小學。訖於十四。嗣此射御。禮樂更巨。明親兼善。大學之物。小旣克勤。大乃可

事。古實物
韵通轉。

右將小學物事。撰爲四字韵語。以便幼童讀而習之。其詳具後。

小學稽業卷二

內則曰子能食食教以右手能言男唯女俞男顰革女顰絲

鄭康成註曰顰小囊男用韋女用繒有飾緣之服虔曰顰大帶

六年教之數與方名

前漢食貨志八歲入小學學六甲五方書計之事則六歲所言數方指一二東西之大略言也鄭註方名東西數

一二三四五六七八九十

十百千萬億權數俱今毫釐分錢兩斤度數毫釐分

寸尺丈量數勺合升斗石

方名

東南西北中東南西南西北東北

七年男女不同席不共食

鄭註曰蚤其別也

大戴禮保傅篇曰古者年八歲出就外舍也。小學學小藝焉履小節焉。

此統論八歲至十四入小學之所學也。白虎通前漢書入小學年皆同此。而賈誼新書容經篇曰古者年九歲入小學。踐小節業小道。尚書大傳曰公卿之世子元士之嫡子年十三入小學。見小節而踐小義。曲禮曰人生十年曰幼學。內則同之。是又十歲入小學矣。或古人通用。或貴賤有分。或朝代各異。今人率用八歲。但須實入八歲。乃足任學事。若弱小者。遲一二歲亦可。內則曰八年出入門戶。及卽席飲食。必後長者。始教之讓。

鄭註曰示以廉耻。

九年教之數日。

鄭註曰朔望與六甲也。

天一周共三百六十五度四分度之一。日東出於天。一晝夜而復東出。故晝達夜。遂名曰日。月行三十晝夜而與日合朔。故三十日遂名曰月。自初一日月明始生。謂之朔。而初二日初三日初四日初五日初六日初七月初八日初九日初十日十一日十二日十三日十四日至十五日。月與日相對而滿。謂之望。或滿於前後日亦爲望而十六日十七日十八日十九日二十日二十一日二十二日二十三日二十四日二十五日二十六日二十七日二十八日二十九日終三十日。月消盡。謂之晦。月小則盡二十九日天日月所會。

分子丑寅卯辰巳午未申酉戌亥十二次。一次三十度。三十分度之十四。歲星十二月行一次。而春夏秋冬四時之功畢。故十二月謂之歲。十干。甲、乙、丙、丁、戊、己、庚、辛、壬、癸。十二支。子、丑、寅、卯、辰、巳、午、未、申、酉、戌、亥。干支相配。數窮六十。曰六甲。以紀歲月日時。歲十二月日十二時。則用支數。一無易焉。甲子、乙丑、丙寅、丁卯、戊辰、己巳、庚午、辛未、壬申、癸酉。甲戌、乙亥、丙子、丁丑、戊寅、己卯、庚辰、辛巳、壬午、癸未。甲申、乙酉、丙戌、丁亥、戊子、己丑、庚寅、辛卯、壬辰、癸巳。甲午、乙未、丙申、丁酉、戊戌、己亥、庚子、辛丑、壬寅、癸卯。甲辰、乙巳、丙午、丁未、戊申、己酉、庚戌、辛亥、壬子、癸丑。甲寅、乙卯、丙辰、丁巳、戊午、己未、庚申、辛酉、壬戌、癸亥。

十年出就外傳。居宿於外。學書計。衣不帛襦袴。禮帥初。朝夕學幼儀。請肄簡諒。

鄭註曰。外傳。教學之師也。不用帛爲襦袴。爲太溫傷陰氣也。禮。遵習先日所爲。肄。習諒信。請。習簡。謂所書篇數也。請。習信。應對之言也。孔穎達疏曰。簡。禮篇章也。諒。謂言語信實。言請長者。習學篇章簡禮及應對信實言語也。陳澧集說曰。書六書。計九數。愚謂傳小學師。幼不盡飾。遜長也。初者。所習之別。讓也。肄。兼上書計幼儀言。簡不使之多也。恐苦之也。諒。信也。不使欺其日功也。書計幼儀。非限於十年內。言學之從此始也。他做此。

幼儀

論語子曰弟子入則孝出則弟謹而信汎愛衆而親仁行有餘力則以學文

子游曰子夏之門人小子當洒掃應對進退則可矣

曲禮曰凡爲人子之禮冬溫而夏清昏定而晨省鄭註定安其牀在醜夷不爭醜衆

夫爲人子者出必告反必面所遊必有常所習必有業恆言不稱老

爲人子者居不主奧孔疏主猶坐坐不中席行不中道立不中門食饗不爲槃鄭註槃量也祭祀不爲尸聽於無

聲視於無形不登高不臨深不苟訾不苟笑孝子不服闇不於闇冥之中從不登危懼辱親也父母存

不許友以死不有私財

內則曰子事父母鷄初鳴咸盥漱櫛縱笄總拂髦冠紓纓端韞紳搢笏繼黑繪緇髮作髻插笄以固之

爲飾乃拂去髦塵加之而著冠髦用髮爲之象幼時髻其著冠也結纓領下左右佩用左佩紛帨鄭註

以爲固結之餘者散而下垂謂之綏于是衣元端著蔽膝加帶插笏其中焉左右佩用左佩紛帨拭巾

也刀小礪小觶觶解小金燧取火右佩玦捍拾管簠大於左大觶木燧火燧偁行屨著綦此本成人

之事因後文及少者故備錄之以適父母之所及所下氣怡聲問衣煖寒疾痛苛癢而敬抑搔之出入則或先或後而敬扶持之進盥

少者奉槃長者奉水請沃盥盥卒授巾問所欲而敬進之柔色以溫之父母必嘗之而後退

男未冠者鷄初鳴咸盥漱櫛縱拂髦總角衿纓皆佩容臭鄭註容臭香物也以纓佩之味爽而朝問何

父母將坐奉席請何鄉將枉長者奉席請何趾鄭註枉臥席少者執牀與坐非臥牀御者舉几斂席與簾

孔疏下大席縣衾篋枕斂簾而覆之鄭註覆也父母之衣衾簾席枕几不傳移也杖屨祇敬之勿敢近敦牟

卮匱非餽莫敢用敦牟黍稷器與恆飲食孔疏與及也父非餽莫之敢飲食父母在朝夕恆食子婦佐

餽既食恆餽鄭註餽餽之末有原父沒母存冢子御食羣子婦佐餽如初旨甘柔滑孺子餽

玉藻曰親在行禮於人稱父人或賜之則稱父拜之

父命呼唯而不諾手執業則投之食在口則吐之走而不趨趨容親老出不易方復不過時親癯病也色容

不盛

曲禮曰凡爲長者養之禮必加帶於箕上以袂拘而退其塵不及長者以箕自鄉而扱鄭註讀吸之

少儀曰汜埽曰埽埽席前曰拊拊席不以鬣鄭註鬣帶也執箕應擣擣舌也愚按席與席前二處蓋

以袂拘而退所謂拊席也不用帶也退退至席前也其塵不及長者乃埽席前

也用帶也箕自鄉而扱除席前之塵也若鷄鳴而起灑掃室堂及庭則汜埽也

管子弟子職曰凡拊之道實水於盤攘臂袂及肘房玄齡註曰恐濕其堂上則播灑室中握手堂上寬

而灑室中灑故執箕膺揲揲舌也胸厥中有帶凡拊之紀必由奧始俯仰磬折拊毋有微微動也不拊

握手爲擣以灑擣故執箕膺揲揲舌也胸厥中有帶凡拊之紀必由奧始俯仰磬折拊毋有微微動也不拊

止坐執而立。坐即遂出弃之。既排反立。是協是稽。考所學也。

杜甫詩曰。霑灑不濡地。掃除似無帚。

論語。孔子曰。侍於君子有三愆。言未及之而言。謂之躁。言及之而不言。謂之隱。未見顏色而言。謂之瞽。

孟子曰。徐行後長者謂之弟。疾行先長者謂之不弟。

曲禮曰。謀於長者。必操几杖。孔疏。俱養長者之物。以從之。長者問。不辭讓而對。非禮也。

見父之執。不謂之進。不敢進。不謂之退。不敢退。不問不敢對。

年長以倍。則父事之。十年以長。則兄事之。五年以長。則肩隨之。

長者與之提攜。則兩手奉長者之手。負劍辟咎。愚按。負劍童子。在長者脇旁。如負劍也。辟。側也。咎。口旁也。辟之。恐氣及長者。詔之。長者語則

掩口而對。亦不使氣觸尊者。

從於先生。不越路而與人言。遭先生於道。趨而進。正立拱手。先生與之言。則對。不與之言。則趨而退。

從長者而上邱陵。則必鄉長者所視。鄭註。有所問。

先生書策琴瑟在前。坐而遷之。戒勿越。虛坐盡後。食坐盡前。坐必安。執爾顏。長者不及。毋僂言。孔疏。不

雜事。正爾容。聽必恭。毋勦說。毛河右曰。勦。即抄。左傳註。崔慶之。盟。讀書未竟。晏子抄答。易其辭是。毋雷同。必則古昔。稱先王。侍坐於先生。

先生問焉。終則對。請業則起。請益則起。父召無諾。先生召無諾。唯而起。孔疏。唯。急諾貌。侍坐於所尊長。毋餘席。

近以承之見同等不起燭至起食至起上客起燭不見跋鄭註跋本也嫌若燼多有厭倦尊客之前不叱狗讓食不睡

侍坐於君子君子欠伸孔疏志疲則欠體疲則伸撰杖履鄭註撰猶持也視日蚤莫侍坐者請出矣侍坐於君子君子問更

端則起而對侍坐於君子若有告者曰少閒願有復也孔疏閒清則復白也則左右屏而待鄭註屏退也毋側聽毋

噉應孔疏高急如叫之號呼也毋淫視邪眄毋怠荒游毋倨立毋跛坐毋箕寢毋伏斂髮毋髻鄭註餘如髮勿垂冠毋免免去

也勞毋袒孔疏勿露體暑毋褰裳此皆侍君之法

侍坐於長者屨不上於堂解屨不敢當階就屨跪而舉之屏於側孔疏侍者或獨暫退取屨法也鄉長者而屨跪而遷

屨俯而納屨

侍食於長者主人親饋則拜而食主人不親饋則不拜而食孔疏饋進饌也

侍飲於長者酒進則起拜受於尊所長者辭少者反席而飲長者舉未酬鄭註盡爵曰酬少者不敢飲

長者賜少者賤者不敢辭

御同於長者雖貳不辭孔疏御侍也鄭註貳謂重殺膳也偶坐不辭孔疏偶嬖也彼爲客設饌而召已往嬖偶於客也

侍於君子不顧望而對非禮也

王制曰父之齒隨行兄之齒雁行朋友不相踰輕任并重任分班白不提挈

少儀曰尊長於已踰等不敢問其年燕見不將命不以客自處遇於道見則面孔疏不見則隱不請所之喪俟事不